

Powšitkowne WOZJEWJENJA

njedźelu, 16. junija 2013

Swjedžen za wšě wosady w Baćonju

Na woswjećenje přichada swjateju Cyrila a Metoda před 1.150 lětami na Morawu kaž tež 150lětneho wobstaća Towarstwa Cyrila a Metoda (TCM) a 150. rónicy přenjeho wudaća Katolskeho Posoła su wšitcy wěriwi zbliska a zдалoka njedźelu, 16. junija, na džakny swjedžen do Baćonja přeprašeni. Baćońska cyrkej je so jako zhromadny cyrilometodski skutk katolskich Serbow natwariła a je symbol jednoty katolskich Serbow. Z nyšporom w 15 hodź., kotryž změje starobiskop Joachim Reinelt, so swjedžen zahaji. Na farskej łuce poskići so potom pisany program za wšitke starobne skupiny. W běhu programa je tež rozžohnowanje dołholětneho šefredaktora Katolskeho Posoła, fararja Gerata Wornarja, předwidžane. Při špatnym wjedrje budžetaj swačina a program na žurli w Haslowje.

Boža mša z biskopom dr. Heinerom Kochom

Drježdžansko-Mišnjanski biskop Heiner Koch wopyta pjatk, 21. junija, Budyski dekanat. Nimo rozmołwow z měšnikami, rjadnicami a zastupjerjemi wosadnych radow je tež Boža mša we 18 hodź. w Budyskej tachantskej cyrkwi předwidžana, na kotruž su wěriwi ze wšitkich wosadow wutrobnje přeprašeni.

Chór za putnikowanje džěci

Wšitke džěci, kotrež maja lóšt a zajim a rady spěwaja, su nanajwutrobnišo přeprašene, Božu mšu a nyšpor na putnikowanju džěci srjedu, 17. julija, w Róžeńće, jako zhromadny chór wobrubić. Probje za to budžetaj na Chróšćanskej farje: sobotu, 29. junija, wot 10.00 do 14.00 hodź. a štwórtk, 19. julija, wot 17.00 hodź. hač do 19.00 hodź. Zajimcy njech so prošu hač do wutory, 25. junija, pod telefonowym čisłom (03 57 96) 8 87 07 we Worklecach přizjewja.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zetkanje wšitkich putnikow budže srjedu, 3. julija, w 20 hodź. na Njebjelčanskej farje. Zajimcy njech so hač do njedźele, 30. junija, přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

Putnikowanje do Krupki

Na pěše putnikowanje do Krupki su młodostni wot 16 lět tež lětsa zaso přeprašeni. Procesion woteńdže njedźelu, 28. julija, z Chróścic a wróci so pjatk, 2. awgusta. Zajimcy měli so hač do pjatka, 5. julija, w Chróścicach na farje přizjewić, telefonowe čisło (03 57 96) 8 04 00. Po tym so hižo žane přizjewjenja njepriwozmu. Putnicy zetkaja so njedźelu, 7. julija, po nyšporje w Chróścicach na farje, štož je za wšitkich nowačkow winowatosć. Nyšpor je w 14 hodź. Boža mša w Krupce budže srjedu, 31. julija, w 10 hodź.

Wěnc hórskich spěwow

1. serbska kulturna brigada z.t. Budyskeho serbskeho gymnazija přeprašuje wšitkich na koncert do Chróšćanskeje „Jednoty“. Pjatk, 21. junija, w 20 hodź. přednjese chór mjez druhim mjenje znaty hudźbny cyklus Korle Awgusta Kocora „Wěnc hórskich spěwow“. Hercy zahraja na tradicionelnych instrumentach. Rejowanska skupina předstaji nowu scenu „Serbske powědky“.